

ԱՐԵՎԵԼԱԿԻՏԱԿԱՆ, ՍԵՍԻՈՒ ԼԵՆԻՆԳՐԱԴՈՒՄ

1958 թ. մայիսի 12—17-ը ՍՍՌՄ Գիտությունների ակադեմիայի Արևելագիտության ինստիտուտի լենինգրադյան բաժանմունքում տեղի ունեցավ արևելագիտական համամիութենական սեսիա՝ նվիրված ասուրա-բարելական սեպագրերի վերծանման հարյուրամյակին:

Սեսիային մասնակցում էին Մոսկվայի, Լենինգրադի, Թբիլիսիի, Նրևանի, Բարվի, Տալլինի, Ռոստովի, Լվովի, Տուլայի գիտական հաստատությունների ներկայացուցիչները:

Սեսիայի նախագահն էր ակադեմիկոս Վ. Վ. Ստրուվեն, որը գլխավորում էր նաև սեսիայի կազմկոմիտեի աշխատանքները:

Սեսիայում կարգացվեց 42 զեկուցում՝ նվիրված ասուրագիտության, խեթագիտության, ուրարտագիտության, եգիպտաբանության և սեմական վիժագրության առանձին պրոբլեմների ուսումնասիրմանը: Սեսիան սկսեց իր աշխատանքները մայիսի 12-ի առավոտյան, Արևելագիտության ինստիտուտի լենինգրադյան բաժանմունքի վարիչ ակադեմիկոս Հ. Ա. Օրբելու ղեկավարությամբ: Այս զեկուցումով հանդես եկավ Վ. Վ. Ստրուվեն, որը պատմեց ասուրա-բարելական սեպագրերի վերծանման գործում Ռաուլինսոնի, Խիսկսի, Տալբոտի և Օպերտի հաջողությունների մասին և ապա հանդամանորեն կանգ առավ ռուս գիտնականների՝ Վ. Մ. Նիկոլսկու, Պ. Կ. Կոկովցի, Վ. Կ. Շիլեյկոյի, Ա. Բ. Ռիֆտինի, Ն. Դ. Ֆլյուսիների ասուրագիտության բնագավառում ունեցած գիտական գործունեության վրա: Վերջում զեկուցողը հանրագումարի բերեց նաև սովետական ասուրագիտության հաջողությունները: Ընդհանրացնող ընդլայնումներ Ս. Մ. Բացիևայի զեկուցումը (Լենինգրադ) վերնագրված՝ «Ասուրագիտությունը արարական երկրներում»: Քննության առնելով արարական մի շարք ասուրագետների և հնագետների աշխատությունները, զեկուցողը մատնանշեց, որ նրանք հնարավորություն են ընձեռում պարզելու Ն. մ. թ. V—II հազարամյակների Միջագետքի պատմության՝ շուժերական քաղաքա-

կրթության հետ անմիջական առնչություն ունեցող հարցերը:

Ն. Բ. Յանկովսկայան (Լենինգրադ) քննության առավ Ասորեստանի, Արապխիի և Ալալայի համայնքները Ն. մ. թ. II հազարամյակում: Նա իր ուղադրությունը սկսեց մեծրևտանի համայնքների զարգացման վրա, մինչև այն շրջանը, երբ գոյություն ունեցող սիստեմը փոխարինվեց ռազմա-վարչական բաժանումով:

Բովանդակայից էր Ս. Յու. Լուրիեի (Լվով) «Միկենյան արձանագրությունները և Հին Արևելքը» զեկուցումը, որտեղ ի հայտ բերվեց Հին Արևելքի մի շարք լեզուների ազդեցությունը միկենյան լեզվի վրա: Ուղադրությամբ լսվեցին նաև Վ. Վ. Ստրուվեի «Ուրուկագինայի և Լուգալզագինայի պատերազմի հիմնական դրվագները», Յու. Բ. Յուսուֆովի (Բաքու) «Երկրորդ հազարամյակի էլամական պարտային փաստաթղթեր Սուգա քաղաքից», Վ. Կ. Աֆանասևայի (Լենինգրադ) «Ուր-Նամու օրենսդրության և նրա ժամանակի մասին», Մ. Լ. Գեյցերի (Տալլին) «Հողային հարաբերությունները Ռեգարիտում», Դ. Գ. Ռեզերի (Մոսկվա) «Եգիպտոսի հնագույն հիշատակումը սեպագրի տեքստերում», Լ. Ա. Լիպինի (Լենինգրադ) «Ս—շաղկապի նշանակությունը Համաուրարի օրենքներում» զեկուցումները:

Խեթագիտությունը ներկայացված էր մի քանի զեկուցումներով: Թ. Վ. Գամբրելիձեն (Թբիլիսի) «Ակկադա-խեթական խմբի սեպագրային սիստեմը և խեթական գրության ծագման հարցը» զեկուցման մեջ հնագրական և ուղղագրական առանձնահատկությունների քննությունը ցույց տվեց, որ խեթական գրությունը փոխ է առնվել ոչ թե խուրիտականից, ինչպես կարծում են մի շարք գիտնականներ, այլ անմիջականորեն ակկադական աղբյուրից, III և II հազարամյակների շեմին Հյուսիսային Սիրիայում տարածում գտած ակկադական սեպագրերից: Գ. Գ. Գեորգաձեն (Թբիլիսի) խոսեց Պալա և Տուժանա խեթական մարզերի

տեղագրման մասին: Մի շարք գ'կուցումներում արծարծվեցին խեթերեն լեզվի և բերականության կարևորագույն հարցեր: Վ. Վ. Իվանովը (Մոսկվա) զեկուցեց խեթական նախադասության կառուցվածքի մասին, Ի. Ն. Գունասկայան (Լենինգրադ) նախախեթերենի բայական ածանցի մասին, Լ. Ն. Սավչենկոն (Ռոստով)՝ «խեթական բայի մեղիալ ձևեր պատմա-համեմատական լուսարանմամբ» թեմայի շուրջը, Բ. Լ. Կազանսկին (Լենինգրադ) զեկուցեց Կարա-Թևֆի երկլեզվյան հայտնի արձանագրության մասին, իսկ Է. Լ. Մենար-գեն (Թբիլիսի) կանգ առավ խեթական օրենսդրություն տեղ գտած մի հատուկ արտահայտության մեկնարանման հարցի վրա:

Բազմաթիվ էին Ուրարտուի նյութական կուլտուրային, լեզվին, պատմությանը նվիրված հաղորդումները: Ն. Վ. Հարությունյանը (Երևան) պատմեց Կարմիր-բլուրի պեղումներից 1956 թ. հայտնաբերված նոր կավե տախտակի մասին: Զեկուցողը բերեց տեքստի թարգմանությունը և մեկնարանում, ըստ որի այդ տախտակը իրենից ներկայացնում է Սարգուր III թագավորի կարգադրությունը՝ Կուզունիի թաղաքի ինչ-որ հողերի և երկու ստրուկների հանձնման մասին Կուտուրիի ցեղի Կուերա իշխանավորին:

Բ. Բ. Պիոտրովսկու (Լենինգրադ) հաղորդումը վերաբերում էր Կարմիր-բլուրի պեղումներից հայտնաբերված ասորական կնիքներին: Կարմիր-բլուրում գտնված ասորական առարկաները վաղուց են զբաղեցրել մասնագետների ուշադրությունը: Լկյո առարկաների թվում ուրույն տեղ են զբաղում ասորական կնիքները, որոնք իրենց առանձնահատկություններով, հատկապես սյուժետային, տարբերվում են ուրարտականներից: Լկյո կնիքները իրենց մի շարք հատկանիշներով որոշակիորեն առնչվում են ասորեստանյան կենտրոններում հայտնաբերված կնիքների հետ: Գ. Խ. Սարգսյանը (Երևան) հանդես եկավ «Ուրարտական թագավորական գինաստիայի սկզբնավորման մասին» զեկուցումով: Սարգսյանի արձամանքը պատկերող արձանագրությունների հիման վրա, զեկուցողը զալիս է այն եզրակացության, որ Ուրարտույում շարունակում էր գոյություն ունենալ թագավորների տոհմական քնակավայրը՝ Լկրուն. որը գտնվում էր Տուշպայից ոչ հեռու: Լկյա հենվելով Ն. Լկոնցի մի քանի իմացաբանական նույնացումների վրա առաջարկում է նեթադրել, որ Լուտիպրին Լկրամեի (Ն. մ. թ. IX դար) մականունն էր, որը ծագում էր Լկրու քնակավայրից և հանդիսանում էր Ուրարտական թագավորական գինաստիայի

հիմնադիր: 2. Լ. Մարտիրոսյանը (Երևան) հաղորդեց Նոր-Լկրնշի ուրարտական զամրաբանադաշտի մասին: Խոսքը վերաբերում է Երևանի հարավային մասում գտնված երեք աճյունավոր անոթներին, որոնց մեջ հայտնաբերված առարկաները թույլ են տալիս վերականգնելու ոչ միայն ուրարտական ռազմիկի և բարձրագույն պաշտոնյայի արտաքին տեսքը, այլև պարզելու Մերձավոր Արևելքի, Փոքր Ասիայի և Լեզգրկովկասի մշակույթային փոխհարաբերությունները:

Ի. Մ. Դյակոնովը (Լենինգրադ) կանգ առավ Կարմիր-բլուրից հայտնաբերված ուրարտական թագավորների և պաշտոնական այլ անձանց նամակների վրա: Նա հաղորդեց, որ մինչև այժմ մեզ հայտնի են 9 ամբողջական և հատվածավորված նամակ, որոնց մի մասը արդեն մեկնարանման է ենթարկվել: Նամակները հասցեագրված են մարզի կառավարին և թագավորական տնտեսության բարձրագույն ներկայացուցիչներին, իսկ ըստ իրենց բովանդակության արտահայտում են տնտեսական և պետական նշանակություն ունեցող միջոցառումներ: Կ. Լ. Հովհաննիսյանը (Երևան) հաղորդեց Երևանի հարավային մասում գտնվող Լկրնեբերդի ուրարտական հուշարձանի պեղումների արդյունքների մասին: Հնագիտական աշխատանքները բացահայտել են մի շարք կաուսցվածքներ, որոնք վերաբերում են բերդի հիմնադիր Լկրդիշտի I (VIII դար) թագավորի ժամանակաշրջանին: Դրա հետ մեկտեղ, ինչպես պարզել է Բ. Բ. Պիոտրովսկին, շերտագրական դիտողությունները թույլ են տալիս ենթադրելու, որ բերդը իր գոյությունը պահպանել է նաև ավելի ուշ ժամանակաշրջանում (Ն. մ. թ. VI—IV դարերում):

Վ. Վ. Շլյուկը (Մոսկվա) զեկուցեց Տուարածիխի և Գուրկու երկրների տեղագրման մասին: Զեկուցողը այն կարծիքին է, որ գեոևս Լկրդիշտի I-ի արձանագրություններում հիշատակվող այս երկրները չպետք է որոնել Լկրածանի շրջանում, քանի որ վերջինս նվաճվել էր գեոևս Մենուայի ժամանակ: Վերահիշյալ երկրները զեկուցողը առաջարկում է տեղադրել Եփրատից արևմուտք:

Մի քանի զեկուցումներ նվիրված էին Լկրածնյան Իրանի պատմության հարցերին: Է. Լ. Գրանտովսկին (Մոսկվա) զեկուցեց Նաիրի-Ուրարտու տերիտորիայի վրա իրանական տարրերի գոյության մասին Ն. մ. թ. IX—VIII դարերում: Հիմնական նյութը տալիս է ասուրական և ուրարտական տեքստերում պահպանված հատուկ անունների վերլուծությունը: Իրանական տարրերի առկայությունը հաս-

տատվում է IX դարի առաջին տասնամյակնե-
րում Վանի հարավային շրջաններում և Ուրար-
տուի արևմուտքում, մինչև նվազում VII դա-
րին վերաբերող մի շարք տեղանուններ Ուրար-
տուի արևելյան շրջաններում (Ուրմիայից հյուս-
սիս և հյուսիս-արևելք) իրանական ծագում
ունեն։ Ուրարտա-իրանական երկարատև փոխ-
հարաբերությունների մասին են խոսում
ուրարտերենում իրանական փոխառություննե-
րը, ինչպիսիք են՝ «արծիբի» (արծիվ) և «բա-
զա» (աստված) տերմինները։

Մ. Ա. Դամդամակի (Մոսկվա) զեկուցումը
նվիրված էր Ինչիսթունյան արձանագրության
թվագրման հարցին։ Ըստ զեկուցողի կարծիքի,
արձանագրությունը փորագրվել է Ն. մ. թ.
524 թ. նոյեմբերի 27-ի և 519 թ. սեպտեմբե-
րի 29-ի միջև ընկած ժամանակաշրջանում։

Արքմենյան Իրանում տեղի ունեցող ժողո-
վրդական ապստամբությունների մասին
դատմեց Վ. Օ. Տյուրինը (Տուլա)։ Պերսեպոլի-
սի արխիվի նյութերի հիման վրա նա պարզել
է, որ Դարեհի օրոք տեղի է ունեցել ժողովրդ-
ական շարժում, որի մասնակիցները կոչվում
էին սանտակներ։

Հին եգիպտոսի պատմության, նյութական
կուլտուրայի և արվեստի ուսումնասիրմանը
նվիրված էին մի շարք զեկուցումներ՝ Մ. Է.
Մալյեի (Լենինգրադ) «Բուրգերի արձանա-
գրությունների մեկնաբանման մասին», Վ.
Ավգիևի (Մոսկվա) «Հին եգիպտոսի մշակույ-
թային ժառանգության հարցի շուրջը», Տ. Ն.

Սավելևայի (Մոսկվա) «Եգիպտոսի հին թա-
ղավորության ժամանակաշրջանի մասնավոր
հողատիրության բնութի մասին», Ի. Ա. Լա-
պիսի (Լենինգրադ) «Հյուսիսային ժամանա-
կագրության հարցի շուրջը» և այլն։

Սեսիայում լսվեցին նաև զեկուցումներ սե-
մական վիժագրության քննադատից, այդ
թվում՝ Ա. Գ. Լուդիկի (Լենինգրադ) «Հա-
րավ-արարական արձանագրությունների ժա-
մանակագրության հարցի արդի վիճակը»,
Դ. Ա. Տիրացյանի (Երևան) «Արտաշես I-ի
նորազյուտ արձանագրությունը Սևանա-լճից»
և Մ. Լ. Ամուսինի (Լենինգրադ) «Նաբոնիդի՝
Բարեկունի թագավորի սաղոթքներին ձեռագրի
Փումրանի պատառիկը»։

Յուրաբանչյուր նիստի վերջում զեկուցումնե-
րը քննարկվում էին։ Մի շարք զեկուցումներ
հատկապես աշխույժ վիճարկությունների
առիթմ հանդիսացան։

Մայիսի 17-ին եզրափակվեց նիստում որոշում
ընդունվեց Հին Արևելքի պատմաբանների և
բանասերների ասոցիացիա ստեղծելու մասին։

Այս սեսիայում վառ կերպով դրսևորվեցին
սովետական արևելագիտության խոշոր նվա-
ճումները, նրա բազմակողմանիությունը, ար-
ժարժված հարցերի մշակման խորությունը,
Հատկապես պետք է նշել երիտասարդ գիտա-
կան կադրերի ակտիվ մասնակցությունը սե-
սիային։

Գ. ՏԻՐԱՅՅԱՆ

ՀՈՐԵԼՅԱՆԱԿԱՆ ՆԻՍՏԵՐ

Երևանի Օպերայի և բալետի պետական
ակադեմիական թատրոնում մեծ հաջողությամբ
թյամբ նշվեց հայ ակնավոր ճարտարապետ
Ալեքսանդր Թամանյանի ծննդյան 80-ամյակը։

Երեկոյն րաց է անում Հայկական ՍՍՌ
Մինիստրների Սովետին առընթեր ճարտարա-
պետության գործերի վարչության պետ Ռ.
Աղիզբեկյանը։ Ալեքսանդր Թամանյանի կյանքի
և գործունեության մասին զեկուցեց Հայաստանի
ճարտարապետների միության վարչության նա-
խագահի տեղակալ Վ. Հարությունյանը։ Հան-
գամանորեն վերլուծելով ճարտարապետի ան-
ցած ստեղծագործական ուղին, նա նշեց այն
մեծն ու նորը, որ հատուկ էր Թամանյանի
արվեստին և որով նա հարստացրեց հայ բազ-
մադարյան ճարտարապետական կուլտուրան։
Թամանյանի սովետական շրջանի ստեղծագոր-

ծությունը, ասում է զեկուցողը, միավորում է
դարերով մշակված և սովետական շրջանում
նոր բովանդակություն ստացած հայ ճարտա-
րապետության լավագույն սկզբունքները։

Ալեքսանդր Թամանյանի մասին հուշերով
հանդես եկան ժողովրդական նկարիչ Մարտի-
րոս Սարյանը, Հայկ. ՍՍՌ Գիտությունների
ակադեմիայի ակադեմիկոս Արտ. Կարինյանը,
ճարտարապետ Մ. Մազմանյանը և Տնտեսագի-
տության ինստիտուտի ավագ գիտաշխատող
Ա. Եղիազարյանը։

Վերջերս լրացավ սովետահայ արձակի ակ-
նառու ներկայացուցիչներից մեկի՝ ուսուցիչի-
ներ-գրող Մովսես Աբազու ծննդյան 80-ամյա-

կրլ Այդ հորեկյանի նշանավորման համար Հայ-
ֆիլհարմոնիայի փոքր դահլիճն էին հավաքվել
գրողներ, գրականագետներ, արվեստի և կուլ-
տուրայի գործիչներ, բազմաթիվ աշխատավոր-
ներ:

Մերունագարդ գրողին դեպի նախագահու-
թյան սեղան են ուղեկցում ՀԿՊ Կենտկոմի
առաջին քարտուղար Ս. Թովմասյանը, Հայաս-
տանի Միեկամբների Սովետի նախագահ Ա. Քո-
չինյանը, հին բուլեիկ, ակադեմիկոս Արտ. Կա-
րինյանը, գրողներ Ստ. Զորյանը, Գ. Սարյանը
և ուրիշներ:

Երեկոն բաց է անում գրող Գ. Սևունցը:
Արագու կյանքի և ստեղծագործական ուղու
մասին զեկուցում է արձակագիր Ս. Խանգադ-
յանը: Նա նշում է այն կարևոր դերը, որ ունե-
ցել է Սրագին իր ստեղծագործությանը սովե-
տահայ նոր արձակի կազմավորման գործում:
Այժմ էլ գրողը, չնայած իր պատկառելի տա-
րիքին, շարունակում է ստեղծագործել, աշխա-
տում է «Խորայն Որի» պատմական վեպի վրա:
Մենդյան 80-ամյակի առթիվ հորեկյանին ուղու-
նեցին բանաստեղծ Գ. Սարյանը, ակադեմիկոս
Արտ. Կարինյանը, Կիրովի գործարանի աշխա-
տավորների անունից Պ. Պապյանը, Պետական
համալսարանի ուսանողուհի Հ. Աբեղյանը, ու-
սուցչուհի Հ. Զորյանը, Հայպետհրատի գրի-
տավոր խմբագիր Վ. Մկրտչյանը և պատանի
պոետների պատվիրակություն:

Վերջում շնորհակալության խոսք ասաց
հորեկյանը: Բանաստեղծ Հր. Հովհաննիսյանը

ընթերցեց Մ. Արագու անունով ստացված ող-
ջույնի հեռագրերը:

* * *

Հայաստանի արվեստի աշխատողների տա-
նը նշվեց անվանի բանահավար Գարեգին
Լևոնյանի ծննդյան 85-ամյակը:

— Գարեգին Լևոնյանը այն մարդկանցից
էր, որոնք մինչև կյանքի վերջը մնում են իրենց
գործին հավատարիմ, որոնց հոգու փայլը չի
խամրում տարիների խտացող մշուշից, — այս-
պես է սկսում իր բացման խոսքը ժողովրդա-
կան նկարիչ Մարտիրոս Սարյանը:

Գ. Լևոնյանի կյանքի ու գործունեության
մասին զեկուցումով հանդես եկավ բանասիրա-
կան գիտությունների թեկնածու Ա. Ինճիկյանը:
Չկա հայ արվեստի մի բնագավառ, ասում է
նա, որին ձեռք զարկած չլինի Գարեգին Լևոն-
յանը: Նա բավական արժեքավոր ուսումնասի-
րություններ է թողել հայ գրականության, երա-
ժշտության, ճարտարապետության, պարարվես-
տի հարցերի վերաբերյալ: Նրա «Հայ պարե-
րական մամուլը», «Հայ գիրքը և տպագրու-
թյան արվեստը», «Էջեր հայ երաժշտության
պատմությունից» աշխատությունները գալիս են
մեզ համոզելու, որ հանձին Գարեգին Լևոնյանի
մեր ժողովուրդն ունեցել է խոշոր մտածող և
արվեստագետ:

Երեկույում Գարեգին Լևոնյանի մասին հու-
շերով հանդես եկան Մ. Աղայանը, Լ. Սաղա-
թյանը, Մ. Մազմանյանը, Ն. Զարյանը:

ԱՄԵՐԻԿԱՆԱՅ ԳԻՏՆԱԿԱՆ Ա. ՍԱՆՃՅԱՆԸ ԵՐԵՎԱՆՈՒՄ

Վերջերս Հայաստան այցելած ամերիկա-
հայ գիտնական դոկտ. Ավետիս Սանճյանը ծա-
նոթացավ Հայկական ՍՍՌ Գիտությունների
ակադեմիայի հասարակագիտական բաժանմուն-
քի մի շարք ինստիտուտների, ինչպես նաև
Պետ. համալսարանի, Մատենադարանի և այլ
գիտական հաստատությունների աշխատանքի
ղրվածքի հետ:

Հայաստանից մեկնելուց առաջ նա գիտեց
Հայկական ՍՍՌ Գիտ. ակադեմիայի պրեզի-
դենտ, ակադեմիկոս Վ. Հ. Համբարձումյանին
հատուկ մի նամակով, որտեղ խոսելով իր ճա-
նապարհորդության նպատակների մասին ջերմ
շնորհակալություն է հայտնում իրեն ցույց
տված աջակցության համար:

«Ձեր բարեհաճ կարգադրությամբ, — աս-
ված է նամակում, — առաջին հեթին այցելեցի

այդ կենտրոններն կարևորագույնին — Հայկա-
կան ՍՍՌ Գիտությունների ակադեմիայի: Երեք
շաբաթվան կարճ ժամանակամիջոցին մեջ, ինձի
հաջողեցավ այցելել Ակադեմիայի հասարա-
կական գիտություններու ինստիտուտները և
գրույցներ ունենալ անոնց գիտնականներուն,
բազմաճմուռ և բազմավաստակ գիտնական-
ներուն հետ: Բաց աստի, այցելեցի Պետական
համալսարանը, Մատենադարանն ու գրագա-
րանները, թանգարանները, պատմական հու-
շարձանները, հնագիտական պեղումներու վայ-
րերը և զանազան հրատարակչությունները —
միշտ արժանանալով գիտնականներուն և պաշ-
տոնեից ամենաջերմ ընդունելության և լայն
աջակցության:

Այս ալցելութիւններով՝ ինձ հնարավոր եղավ լայն ժանոթութիւններ քաղել Հայաստանի մեջ վերջին քանի մը տասնամյակներուն կատարված կուլտուրական վիթխարի աշխատանքներուն և յուրաքանչյուր հաստատութեան հառաջիկա գիտա-հետազոտական ծրագիրներուն մասին:

Մեծարգո նախագահ, շնորհապարտ եմ ձեզի, և այն բոլոր գիտնականներուն և պատասխանատու անձերուն, որոնք Հայաստան

ալցելութիւնս վերածեցին արտառուչ փորձառութեան մը»:

Նամակի վերջում գրկտ. Ա. Սանճյանը խնդրում է իր «ամենաջերմ զգացումներով արգմանը հանդիսանալ» բոլոր այն հիմնարկութիւնների վարիչների ու գիտնականների մոտ, որոնք իրեն ջերմ ընդունելութիւն և աջակցութիւն են ցույց տվել իր ալցելութիւնների ժամանակ և որոնցից յուրաքանչյուրին ինքը գրելու հնարավորութիւն չունի: